

DEUTERONOMI.

C A I. B. I.

I S iad fo na briathran a labhair Maois re Israel uile, air an taobh fo do Iordan 'san fhàsach, anns a' chòmhnard fa chomhair na mara *ruaidhe*, eadar Paran, agus Tophel, agus Laban, agus Haferot, agus Difahab.

² (*Tha asdar* aon là deug o Horeb rathad fléibh Sheir, gu Cades-barnea).

³ Agus anns an dà fhicheadamh bliadhna, anns an aon mhìos deug, air a' cheud là do'n mhìos, labhair Maois re cloinn Israeil, a réir nan uile *nithe* a dh'aithn an Tighearna dha d'an taobh;

⁴ 'An déigh dha Sihon rìgh nan Amorach a mharbhadh, a bha chòmhnuidh ann an Hesbon, agus Og rìgh Bhafain, a *bha* chòmhnuidh aig Astarot ann an Edrei,

⁵ Air an taobh fo do Iordan, ann an tìr Mhoaib, thòisich Maois air an lagh fo chur 'an céill, ag ràdh,

⁶ Labhair an Tighearn ar Dia ruinn ann an Horeb, ag ràdh, Ghabh sibh còmhnuidh fada gu leòr 'san t-sliabh fo:

⁷ Pillibh agus gabhaibh bhur turus, agus rachaibh a chum fléibh nan Amorach, agus a chum nan *ionadan* uile am fagus da anns a' chòmhnard^a, anns a' mhonadh, agus anns an t-frath,

agus mu dheas, agus re taobh na fairge, gu fearann nan Canaanach, agus gu Lebanon, a dh'ionnsuidh na h-aibhne mòire, aibhne Euphrates.

⁸ Feuch, chuir mi 'n tìr romhaibh; rachaibh a steach, agus sealbhaichibh am fearann a mhionnaich an Tighearna d'ar n-aithreachaibh, Abraham, Isaac, agus Jacob, gu'n d'thugadh e dhoibh e, agus d'an sìochd 'nan déigh.

⁹ Agus labhair mi ribh 'san àm sin, ag ràdh, Cha 'n urrainn mise bhur giùlan a'm' aonar:

¹⁰ Rinn an Tighearna bhur Dia lìonmhor sibh, agus feuch, *tha* sibh an diugh mar rèulta nèimh a thaobh lìonmhoireachd.

¹¹ (Gu deanadh an Tighearna, Dia bhur n-aithreacha, sibh mìle uair ni's lìonmhoire na *tha* sibh, agus gu'm bean-naicheadh e sibh mar a gheall e dhuibh)

¹² Cionnus is urrainn mise leam féin bhur dragh a ghiùlan, agus bhur n-eallach, agus bhur comh-srì?

¹³ Gabhaibhfe dhuibh féin daoine glic agus tuigfeach, agus aithnichte 'nar treubhaibh, agus ni mise iad 'nan ceannardan oirbh.

¹⁴ Agus fhreagair sibh mi, agus thubhairt sibh, *Tha* an ni a labhair thu math dhuinne r'a dheanamh.

¹⁵ Agus

^a anns an fhàsach.

^b maithean, ard dhaoine.

^c ghnùis, *Eabb*.